

國朝自康熙崇禎迄今又  
七十餘載書牘有間矣貴  
知日侯慨然引為己任詢  
錄者老起而更新之屬藁  
粗訖適日疾以病告疎南  
城之侯近三來攝邑篆典  
余有通家之舊踵前事以

美狗父老之請謂余精於  
史例而以筆削之責寄焉  
周官小史掌天下之地圖達  
諸王國所以周知其險阨閭  
胥掌賢能之書而獻之於  
王昌邑之險阨與其賢能  
則固為民上者之所欲聞



者以諸者彥之為斯志也  
質而不愚侈而有驗發凡  
起例余或少有短長之獻  
而搜採之勅述作之備其  
可專美哉會王侯調繁會  
稽臨邑宋侯奉  
命來宰唐昌虛懷集益不

事更張亟命開雕將以傳  
諸永久為一邑之徵信其用  
意厚矣夫一書之成經三  
賢侯而始克定雖歲月匪  
遙而措施之艱與其謀畫  
之委曲周悉非履其事者  
不能深悉也若女增益其

所未備修而明之是則後  
賢之責六余與錄者言之  
所厚望也夫時乾隆十有  
三年除月朔日仁和書史  
杭世駿序

重修昌化縣志叙

金昌界嶽寧歛壤接淳分雖屬  
杭末邑固四達之衝如其間沿  
軍旅卒修廢舉墜興去山川社  
稷文物風土賴以信今而傳後  
在惟志是憑焉余自壬戌歲歲  
任閩昌志剝落殘缺計數而求

修在途七十餘年訪諸父老金  
曰某、將修而未能某、欲修  
而不果以故遷延至今所謂信  
今傳後者安在奈何慨然曰  
是余之素也夫願以篤學鞅掌  
昌志未遑今歲丁卯浙省逢  
旨恩免職釋公餘稍暇得從事

斯舉爰請之上官蒙允曰可  
謀法教諭蔡君訓導林君縣尉  
汪君及邑中法才產困為起例  
決允酌宜採籍察免祕帳務  
法微信余自苦痺疾化以病去  
休深以未竟其緒為媿適江右  
王公遴選在茲土玉之日即發然

以志事為己任抗暴伸冤端委  
看公後執正於古未抗公糾約  
操券洋而不繫管而弓禮用是  
危志慷慨然得此竟事余雖新期  
僕信不獲躬親其事而向之錢  
湖東幅歷年所古得王公竟  
我權與之袖志不其休年因事  
此以多王公君功於斯為而并  
以慶年之連也為序乾隆十  
二年歲次丁卯十二月穀旦  
林印書另但縣事貴孫甘以蔚

重脩昌化縣志序

志者史之流也巨臚細列  
人詳物業比物連類義經  
道締吏治之良窳財賦之  
盈縮人才之虛實戶口之  
耗登風俗之醇侈胥於是  
乎在唐昌雖僻處萬山中

其所以敦俗彰教鑒徃詔  
來固無以異也余不佞攝  
篆茲土思邑令為古之子  
男視百里如髮膚枝節疴  
癢相應使志乘不備故實  
無稽將何以法前脩憲將  
來宣布德澤張弛政教乎  
乃前邑侯甘發凡起例博  
覽廣搜釐為若干卷咸有  
徵信余復集邑中茂才缺  
者舉之諱者明之繁者約  
之畧者詳之比事屬詞詮  
竒考異方欲就正有術以  
為百世觀覽適余房師董

浦先生里居杜門遂削稿  
是正刪枝蔓補缺畧而昌  
邑之志由是得觀厥成語  
云千金之裘非一狐之腋  
也不其然歟方今

聖天

子生聚教訓百有餘年昌  
化以偏鄙小邑亦彬彬乎

質有其文豈不懿鑠哉剖  
剔將告竣為之序其緣起  
若夫辨疆覘土稽度考憲  
時其浚治防其侈佚并邑  
富庶豐功令緒則深有望  
於後之君子余不佞逡巡  
謝不敏矣



乾隆十三年歲次戊辰七

月朔日

賜進士出身文林郎署昌化縣  
事南城王元音

重脩昌化縣志序

今將考山川之美利驗風  
俗之淳良見人文之蔚起  
必為之窮源溯流作者舉  
要舉詳閱者知微知著盡  
採擇之資備諮訪之助斯  
志之所由重輯也余以河

東未學

簡任唐昌雖彈丸小邑而蚊負  
實深視事之初即遵

例巡查四境方以栽培振作  
為已責回棧所傳縣志乃  
年湮日久黎棗浸殘粵稽  
其始出自康熙十二年前

邑侯周承

命彙纂徵之載籍訪諸耆英因  
地制宜斟酌而出之蓋當  
時之景象而未若今日之  
規模也方今

聖天子重熙累洽涵養生息百  
年以來天地效靈日出其

自然之利士民安居樂業  
物產豐盈說禮敦詩連茹  
征吉尤幸各

大憲蠲苛樹膏與民休息遂  
使山川之利日益增風俗  
之淳日益厚人文之美日  
益彰視向之因陋就簡者

固已博大昌明矣夫昌明  
之象非一邑之隆實

國運之休也急宜重加蒐輯  
釐定成書付之梓人以光  
珥華乃先得我心而有前  
任甘圖維厥始署令王克  
勩厥中余不敏觀成厥終

復為之條分縷析按部就  
班羅川原民社於指掌鑒  
沿革善敗於書紳不於今  
為烈乎易曰變而通之以  
盡利鼓之舞之以盡神書  
曰正德利用厚生惟和昌  
之士民俗稱樸茂崇本抑  
未至今俗尚仍舊由是互  
相勸勉率作興事富有日  
新當不徒為偏僻之觀也  
余將有厚期焉豈僅曰踵  
事增華已哉是為序乾隆  
十三年歲次戊辰十二月  
既望

賜同進士出身文林郎知昌化  
縣事前乙卯科陝西鄉試  
同考官河東宋范勲

邑志重輯成書分修胡生士選王生守矩  
章生起龍輩乞三賢侯序其巔末而復請  
余言并弁簡首夫三賢侯之言既脩矣余  
復何多贅云雖然余於茲有厚望焉蓋從  
來志乘所藉以光昭者學校之人文也今  
昌士艱於科第輒謂人為地限即通人亦  
未免以此藉口余攷昌庠科第南宋為盛  
章峒麓樵以儒雅稱趙文節昂發以忠烈

著此鄉先達之尤著名者也至若楊廉憲  
譽胡端敏世寧在前明並以寄籍發軔昌  
庠而端敏宦績更足與文節媲美先後  
遙相輝映夫今昔猶是昌化人不限於昔  
顧獨限於今歟士苟不自菲薄而以前賢  
為必可到則隆岡不改其靈紫水不改其  
秀即人文亦不改其盛也由是志選舉紀  
事功大書特書不一書其光昭志乘也斯  
多矣抑有名垂史冊聲施爛然天下後世  
讀其書者想見其為人咸目注而心識之  
曰某、昌產也是又寧僅我一邑志乘之  
光昭已哉余職司學校常倦於此而不  
能釋然故因諸生請特舉以為有志者勉  
知必起而應之後之輯志者當以余言為  
左券矣儒學教諭昆陽蔡世源謹書

昌化縣志纂修姓氏



鑒定

召試博學鴻詞原任翰林院編修杭世駿

主修

昌化縣知縣舉人甘文蔚

署昌化縣事進士王元音

昌化縣知縣進士宋范勳

叅訂

儒學教諭蔡世源

訓導林可棟

督理

典史汪自孔

分修

現任温州府儒學訓導童基

貢生楊錫祚

余 泗

生員胡士選

王守矩

章起龍

潘 憲

章 强

帥華國

許起鳳

徐 燾

胡紹瑗

鄭 鍾

童兆來

貢生章 培

校閱



昌化縣志目錄

卷首

序

姓氏

卷一

建置

鄉鎮

形勝

禮制

圖

疆域

坊巷

風俗



卷二

山川

卷三

戸口

土田

物産

卷四

賦役上

卷五

賦役下

卷六

城郭

學校

公署

卷七

關梁  
鋪遞附

郵政

卷八

水利

兵防

卷九

祠祀

寺觀

卷十

冢墓

古蹟

祥異

卷十一

職官

卷十二

選舉

卷十三

忠勳

政業

儒林

文苑

戚武

卷十四

孝友

義行

卷十五

封廕

貢監

吏選

耆壽

卷十六

列女

卷十七

方外

名宦

寓賢

卷十八

雜記

經籍

卷十九


藝文上



卷二十



藝文下

昌化縣圖

庠生章虎臣畫







昌化縣志卷之一

建置

自垂拱分縣以來邑當杭歙之交隱然為江浙  
巖鎮歷千有餘年雖名號屢更而境土不易則  
山川渾厚風氣完固有足多者矣志建置第一

唐揚州

虞之域

夏揚州

地

商揚州

地

周

揚州地春秋越西  
境戰國時屬楚



秦 鄣郡

漢 武帝置十三州為揚州部丹陽郡於潛縣

後揚州部丹陽郡於潛縣

三吳屬吳

晉 興郡

南北朝 宋齊梁並屬吳興郡 陳屬錢塘郡

隋 開皇中屬杭州大業時屬餘杭郡

唐 武德中屬杭州武后時分於潛地置紫溪又分紫溪地置武隆入紫溪後復置武隆神龍時改曰唐

山大曆中二縣俱省長慶初復置屬杭州

五代 後梁時吳越改為金昌縣後唐時復曰唐山後晉時又改曰橫山尋改為吳昌

宋 太平興國中更名昌化屬杭州紹興中屬臨安府

元 屬杭州路

明 屬杭州府

國 屬杭州府

萬曆杭州府志秦時為餘杭縣地屬會稽郡

元和郡縣志漢於潛縣地

唐書地理志垂拱二年析餘杭於潛置紫溪縣萬歲

通天元年以縣有武隆山名應圖識易紫溪為武

隆尋復紫溪又析紫溪別置武隆縣聖曆三年省

武隆入紫溪長安四年復置武隆縣神龍元年黜

武氏易武隆為唐山以縣有唐山故名大曆三年

俱省長慶初復置唐山萬曆杭州府志按淳祐志聖曆元年正月有改武崇

之文然武崇之名並未見唐地理志今不載按太平寰宇記校勘云記云聖曆元年改紫溪為武

崇蓋從唐會要而書其曰武崇避諱耳

吳越備史梁改唐山為吳昌

萬曆杭州府志梁開平間易唐山為金山

十國春秋後唐復改為唐山晉天福五年敕改曰橫

山

郡縣釋名晉又改為吳昌屬吳越國

太平寰宇記宋太平興國三年改為昌化縣

宋史地理志臨安大都督府杭州餘杭郡昌化中紹

興中陞畿

縣分望緊赤畿上中下昌稱中

元史地理志杭州路領縣昌化中

明史地理志昌化縣屬杭州府

浙江通志昌化縣屬杭州編戶一十里

疆域

區域肇造而疆索分昌邑東抵界頭西限昱嶺

南暨淳安北達寧國幅員廣遠較古侯伯之封  
殆有過之守斯土者慎毋以僻陋自安矣志疆

域第二

咸淳臨安志在府治西二百四十八里三十步東西  
一百二十里南北一百四十里

浙江通志在府治西二百一十里東西廣八十五里  
南北袤一百四十五里成化杭州府志東西相距八十里

杭州府志東至於潛縣界頭溪界一十五里自界至縣三十里  
咸淳臨安志以蘆嶺為界一十里西至江南徽州府歙縣昱嶺

關界七十五里自界至縣一百七十五里  
咸淳臨安志以昱嶺為界九十七里成化杭州府志西至昱嶺界七  
十里自界至縣一百八十里南至嚴州府淳安縣

沈嶺界七十五里自界至縣一百五里  
咸淳臨安志以黃坑為界七十里北  
至江南寧國府寧國縣黃花關界六十里自界至縣一百

二十里咸淳臨安志以千頃山為界七十東南  
里成化杭州府志自界至縣一百一十里到嚴州府分水縣洪嶺界五十里自界至縣六十

安志至於潛縣以金雞嶺為界一十五里西南至淳  
里成化杭州府志自界到縣三十里安縣貢嶺界七十里自界至縣一百二十里  
咸淳臨安志以沈嶺為界七十里

東北到於潛縣羅紋嶺界三十里自界至縣一百  
咸淳

臨安志至寧國縣以西北到徽州府績溪縣蕨嶺  
千秋嶺為界六十里

界八十里自界至縣八十里咸北達京師陸

行三千三百里水行四千二百里成化杭州府志至順天府陸路

三千四百二十里水路四千二百五十五里咸

淳臨安志陸路東至於潛縣城三十五里西去徽

州歙縣城二百七里二百四十三步南去嚴州淳

安縣城一百八十里北去寧國府寧國縣城一百

里八十

鄉鎮

鄉都之制成周之遺法也唐訖五代紛更邑號

規畫無聞宋初載籍荒畧僅存十一鄉之文而

已惟咸淳間制稍嚴密嗣即小有變通而經界

迄今不改風俗之成王道之易其基此與志鄉

鎮第三

太平寰宇記昌化舊十三鄉今十一鄉

咸淳臨安志昌化管四鄉一村

永豐鄉管里十二 道義 肅清 懷惠 隆化

時賓 扶養 金山 唐福 湯山 安樂 唐

川 懷感 玉山鄉管里十一 唐秀 平度 白山 百丈

唐詢 祠山 紫澗 上度 隱居 習善 金城

吳安鄉管里十一 會直 方圓 扶善 居貫

祇園 無為 鼓腹 刑清 擊壤 道泰 孝

和

金山鄉管里十四 孝順 泉山 臨池 至孝

上和 上願 來蘇 玉泉 沈山 安樂 朱

鄉 豐樂 新義 孝和

手窆村管里二 鎮山 孝義

成化杭州府志元至元中革村名置巡檢司分其界  
為一十一都隸於四鄉管里十七今存十都都管  
里一十耳

永豐鄉舊管都三里四一都二都三都 隆化

降化 扶養 保福今存一都一里三都一里

吳安鄉舊管都二里三四都五都 扶善 無為

道泰今存四都一里五都一里

金山鄉舊管都三里四六都七都八都 來蘇

臨池 梯雲 豐裕今存七都一里八都一里

玉山鄉舊管都四里六九都十都十一都十二都  
保福 白山 上渡 柳溪 田川 桐山今存  
九都一里十都一里十一都一里十二都一里

嘉靖昌化縣志明初村併於鄉仍舊爲四鄉鄉分十  
二都都分四十有五今損其二而里之廢者亦多  
鄉曰永豐屬一二三都而里則曰隆化曰扶養里  
之廢者有十曰道義肅清懷惠時賓金山易山安  
康唐川懷感唐福

鄉曰玉山屬九都而里則曰保福十都里曰白石  
曰柳溪十一都里曰上渡十二都里曰田川曰桐  
山里之廢者十有一曰唐秀平渡百丈唐詢白山  
隱居習善金城鎮山孝義紫澗

鄉曰吳安屬四五都而里則曰扶善曰道泰里之  
廢者有九曰會真方圓店賢祗園鼓腹擊壤孝和  
無爲刑清

鄉曰金山屬七都而里則曰榜雲曰臨池八都里  
曰豐裕里之廢者十有二曰孝順浪山知孝上和  
上願沈山安樂朱柳豐樂新義孝和玉泉

萬曆杭州府志昌化縣坊一曰坊郭屬一都一里永豐鄉四

曰永豐三都一里曰吳安四都一里五都一里曰金山七都

一里八曰玉山九都一里十都一里十一都一里鄉總之

凡一里

河橋鎮縣南十五里屬五都○堪村鎮縣西二十里屬三都

朱柳鎮縣西三十里屬九都○頰口鎮縣西四十里屬十一都

按萬曆府志有手寧巡檢司鎮去西門二十里

縣市咸淳臨安志在縣西南百三十步

坊巷

昌邑三里之域耳人物浩穰民氣和樂衢歌巷舞有擊壤遺俗焉其間街屋之經緯市肆之區分間閭之啟閉坊表之屹峙井然可指諸掌化行自近而比戶可曉其在斯乎志坊巷第四

登龍坊咸淳臨安志以章榘始登第建成化杭州

府志縣東一百三十步

渡虎坊成化杭州府志縣西一百二十步宋開禧

元年邑人章榘登進士第邑令章伯奮即榘所居

立坊曰登龍虎為徽嚴患頗入縣境伯奮禱于神

斃之立坊曰渡虎

繡衣坊 在縣東門內為山東道御史余敏建萬曆二十年邑令周洛都重修

澄清坊 成化杭州府志縣東洪武二年建按察分司因名

孝感坊 成化杭州府志縣東街南康熙昌化縣志為元孝子陳斗龍建今圮

拔秀坊 康熙昌化縣志在桃步潭上為明舉人余敏建今圮

雙桂坊 康熙昌化縣志一在縣西為宋兄弟進士孫朝瑛朝瑞建一在縣西五十里邵家村為明舉人邵祖邵高建今皆圮

嘉應坊 成化杭州府志舊名三瑞康熙昌化縣志在縣西宋景定中粟麥皆生雙穗故建今圮

德生坊 成化杭州府志縣西康熙昌化縣志今圮  
宣和坊 成化杭州府志縣東今圮

瀟溪坊 成化杭州府志縣東門內儒學在焉康熙昌化縣志今圮



新民坊 成化杭州府志學西康熙昌化縣志今圯

慈仁坊 嘉靖昌化縣志在縣學西南以靈山祠名

大生坊 嘉靖昌化縣志在縣東門以東嶽祠名

善應坊 康熙昌化縣志在大生坊東土穀神祠前

以上三坊今俱圯

親民坊 康熙昌化縣志在縣治左

保民坊 萬曆昌化縣志在縣治右

敷政坊 在縣治東

美政坊 萬曆昌化縣志在縣治東

貞肅坊 在縣東里許

撫安坊 在縣治西

鎮靖坊 萬曆昌化縣志二坊舊在縣治東西年久

俱敝邑令周洛都重葺今圯

仁里坊 康熙昌化縣志在縣西今圯

京兆坊 萬曆昌化縣志在縣西二里

懷保坊 萬曆昌化縣志在縣前通衢之北邑令李

寧一建扁曰帥正後令馬逢伯徙置縣左久廢今

康令尋脉改正

福善禍淫坊

康熙昌化縣志在城隍廟大門內

護國坊

佑民坊

康熙昌化縣志二坊在關帝廟左右今圯

騰蛟坊

萬曆昌化縣志在儒學西

起鳳坊

萬曆昌化縣志在儒學東年久俱敝邑令

周洛都重修

攀桂坊

萬曆昌化縣志在西晚村爲明舉人何思

明建久敝邑令黃昇屬何珍貴重葺之

尚義坊

一在縣西成化二十年爲義民戴信建一

在十都叶源爲義門邵廣建

橫街

成化杭州府志縣東南萬曆杭州府志自山

川壇而北過橫街頭至金昌門其街之東西俱無

坊巷

石井巷

成化杭州府志新民坊西內有石井

帥家巷

萬曆昌化縣志在縣東南二里

火巷

水巷

趙家巷

挑水巷

搖舍巷

徐家巷

五聖巷

鬼神巷

門而西至西門其南為帥家已下六巷北為徐家

已下三巷

太平巷

謝家巷

渡虎巷

前

南塔巷

公館巷

書舖巷

水埠巷

周家巷

溪邊巷

上水巷

萬曆昌化縣志在縣東北二里許

萬曆縣志作五顯巷在縣東北一里

萬曆杭州府志在縣東北邑厲壇前入東

萬曆昌化縣志在縣東南隅即水南巷

萬曆昌化縣志在縣西南隅百步許醫學

萬曆昌化縣志在縣南百步

萬曆昌化縣志在縣東南即陳家巷

萬曆昌化縣志在縣西南二十步

萬曆昌化縣志在縣西南百步

萬曆昌化縣志在縣西南一里許

萬曆昌化縣志在縣西南一里

萬曆昌化縣志在縣西南京兆坊前

孫家巷 萬曆昌化縣志在縣西南二里許

青溪巷 康熙昌化縣志在縣西門外以上俱屬街

南

懷保巷 萬曆昌化縣志在縣西北懷保坊下康令

重健

戴家巷 康熙昌化縣志在縣西北石牌樓下以上

俱屬街北

形勝

昌化據西浙上游重岡疊巘複嶺迴溪深秀雄

奇甲於他邑宣歙所由津逮武林籍以藩維亦  
四塞之國也矧昱嶺設關夙稱天險保四境者  
不憂無備乎志形勝第五

王禕昱嶺關銘序昱嶺在杭徽之交因山爲險與千  
秋獨松稱三關而三關莫險于昱嶺

錢鉞譙樓記昌邑僻介萬山中山深而水縈  
參寥子千嶺嵯峨雙溪蟠束

嘉靖昌化縣志紫微銅坑峙其南千秋黃花枕其北  
邃壑深溪紆迴其下際天蟠地環列四塞

昌化縣志 卷一  
舊志重山疊嶂微杭要津南畿江浙襟喉會城藩屏  
華文甫志序重山疊嶂南北要津江浙襟喉

許三省志序武隆高峙籩溪會流

萬曆昌化縣志東連省會西接徽饒高山崇嶺翠律  
插天崕嶮崦嵒起伏綿亘彌望皆是

徐然志序千章之材百圍之木蒼鬱灌集蒙山藜岫  
風俗

昌俗敦本力穡崇儉讓少鬪訟恥干謁有古唐  
魏之風其敝或纖嗇弁陋安耕鑿而忘椎魯修  
其教不易其俗漸以大雅之澤蒸蒸向化期月  
而已可也志風俗第六

古志民淳訟簡聲教漸被

陳居仁儒學記僻在巖谷務本力田雖少讀書可驅  
而之善

錢鉞譙樓記民樸以茂恒事耕作樵採以衣食其力  
嬉嬉于于少鬪爭訟訐

徐少師存齋督學兩浙紀民力於桑麻而不事商賈  
士勵夫行節而不樂奔競雖去古甚遠而樸畧之

風猶未泯也

傅佩東坡亭記聲華文物日開日增

黃司訓唐令去思碑山高水深人物樸茂

嘉靖昌化縣志邑令馬逢伯曰昌民有疾輒巫禱故知醫者鮮矣要之刀耕火種力殫於山菑畬刈獲利盡於地楮漆薪炭貨殖於商率勤業恥遊惰雖庾盈室豐者亦儉質無靡人性勁直易鬪儵易以平無深懟永訟家延經師爭自磨淬章縫之盛駸駸乎倍往昔矣

康熙昌化縣志環山而處敦土爲安俗尚淳龐多至性孝弟力田而外耳目不習紛華之務

冠笄

冠禮三加多所缺畧向惟男年十六以上筮吉選賓命爲成人女笄則於臨嫁前數日加釵飾焉邇來土俗惟務苟簡蓋斯禮之廢也久矣

嫁娶

凡結婚姻將有成議先具羊酒禮拜媒妁嗣後男家通柬送釵釧以爲定禮久之行聘用擔盒花單盛菓餅束帛首飾聘金之類豐嗇各稱其家凡冬夏俱有擔禮近時風尚脫畧或書田契以代幣嫁則以原券還歸壻家繼有催裝擔禮屆期又有羹飯擔禮而親迎缺焉將嫁先三日運奩資厚薄亦以貧富爲差等婦輿旣至壻親開簾門引入堂室行交拜合卺禮是夕張花燭於新房賓族咸至鼓吹導飲戲笑喧沓謂之送房次日夫婦盛服廟見拜舅姑族黨咸以贄幣相贈獻并分送茶菓饌

食於親族家越三日庭除肅然始分大小又有  
荒親族於父母初喪時行禮尤為識者所譏  
**喪葬** 始死焚楮錢舉家環哭隨取淨水浴屍小斂於  
戶內徙置中堂筮吉殮棺成服開弔五服之人

咸宿於柩所每七日至七七俱設祭奠或請緇  
流黃冠作齋懺法事凡弔者以楮鏹香燭及冥傘  
齋盒等類主人以苧絹孝帽分戴弔者盛

陳酒饌待之滿七後孝子具名一一匍謝  
將葬始設祭於柩前或前數日召僧人作薦程開  
路齋事親戚哀送至于葬所祀后土開壙作墓而

加封樹焉葬畢復祭妥饗山神俱從厚禮然必預  
延堪輿家諏日取祭主亡命山向三合皆吉然後  
行之富家士姓多有停棺于家數代不舉或作一  
時權厝計止攢淺土不謀窀穸者是皆惑溺風水  
之過也

**祭薦** 忌日陳酒饌于堂而享祀之清明新歲  
則拜祭于墓所其餘歲時各薦於家廟

**晏會** 父母生日及新親初會俱開筵張圍褥前列花  
罩糖食菓品之類謂之看桌延戚族陪飲正席

專坐近日士夫家尤尚豐潔或歲時賓朋小敘俱  
方桌巨轂正席之後繼以翻席一時晏賞之例與  
省會等其靡費數倍於往昔惟各鄉舊

姓猶存儉嗇遺風然亦不少概見矣  
**慶賀** 壽自五旬六旬以上方受賀親友各具羊酒盒  
禮及折儀之類往祝酒筵則佐以優唱或主人

固辭而後已近有平民市井家各出分資  
製屏幃卷軸相後耀者亦時俗之一變也  
始生子者先以羊酒報外家謂之報喜其外家則

具繡襪衣及金銀鈴錢牲醴諸儀以貺焉三日洗  
兒抱見舅姑喚以乳名諸族人各送米蛋  
之類以望產母其餘親友或賀或不賀  
娶妻則賀以羊酒或折儀嫁女

家於第三日亦以羊酒來慶焉  
登科則賀以羊酒金花綵緞親厚為  
設程餞送贖儀入泮者賀亦如之

造屋上樑則賀以榼酒而挂樑

正月

元旦夙興盥櫛具衣冠爆竹啟戶焚香拜天次

家拜賀謂之慶節是日不炊生米蒸年前熟飯食

之不與人財物不形怒色于幼賤三四日各焚其

家懸紙戒家人始職業凡月內宗族

親朋或設酒饌彼此邀飲謂之年飯

初三日後持紙錢酒榼展墓拜年

祭期不拘遲早至收燈而後已

上元日神廟并各街市懸放花燈若龍馬禽獸諸

狀看燈者或放煙花爆竹扮為俳優假面之戲金

鼓喧杳若幼徵逐俗謂之鬧元宵鄉村婦

女或于是夜召廁姑神以問蚕桑之事

立春日相慶賀如元旦寫宜春二字貼于門庭視

勾芒神以占氣候如神赤脚則多晴着履則多雨

戴帽則反暖脫帽

則反寒俗謂拘神

二月

社日四境子民各于其里醪金作社會饗社神

所以祈穀也祭畢分胙權飲而罷秋報亦如之

春分日故家有祠廟者以

禮奠其祖先秋分亦如之

三月 上巳俗謂三月三為真武誕日各往廟禮謁婦

女多詣園圃採薺菜花攜歸供神亦雜插鬢邊

以祈長壽

清明日家插柳于簷端亦戴于首各具時羞墓祭

以楮錢繫樹上名曰挂錢取古孝子遺義其米食

用青白圓子盛者多設羊豕盤

四月

榼及鼓樂以侑前後累日不絕

穀雨日俗以此日採茶

名穀雨茶農家浸穀種

立夏日

食梅實

八日為浴佛日寺僧以棟葉染米作烏

飯供佛或請檀越食之或分送其家

四月

飯供佛或請檀越食之或分送其家

四月

飯供佛或請檀越食之或分送其家

四月

飯供佛或請檀越食之或分送其家

四月

飯供佛或請檀越食之或分送其家

四月

飯供佛或請檀越食之或分送其家



五月五日以菖蒲艾葉懸門戶飲雄黃酒又點小兒額及髮綵繒如人形各香囊佩戴之男女採百草相鬪為戲親鄰或者煮角黍并鴨蛋以相饋遺又婦人髻插榴花俗傳可避赤眼

十三日為關聖誕辰鄉市各迎神賽會

十八日為城隍誕辰往例每十家設一筵供祝後令吳之瑗以神司一邑且受詔封宜從豐祀于是市民俱從扮演春臺故事東西兩門賽迎酬愿

六月六日浴猫犬于水濱

六月六日浴猫犬于水濱

七月七夕婦女于月下以綵線穿針謂之乞巧

十五日各祀其家祖禰俱用素饌或召僧流作施

二十四日為東平王誕日鄉人俱設牲醴奠祭或鳴鑼刺刀于臂及扮演故事往酬神愿鄰封畢集

遠商百貨俱賃厥地舖易謂之趕會

八月中秋以月餅相饋遺富家士人多設盃酒宴會以觀月華

九月九日飲茱萸酒或藉山岡高敞處登燕或于其家賞菊花為樂又以粘米作糍粑角黍相餉食

十一月冬至日慶節畧如元旦

十二月八日寺僧多建法會以雜蔬菓作糜粥邀諸檀施者歡焉謂之臘八粥

二十四日俗傳竈君朝天言人間善惡事故于是夕祀竈又各家設香燭供案具牲酒殺核焚楮幣祀百神及接祖先謂之小年間有諏日祭祀者

其禮亦同村市咸擊金鼓為樂至元宵不絕

除夕各貼門神春聯于宅示迎新歲也祭神祀先一如小年并懸挂先像于中堂以申瞻慕長幼團聚懽飲張燈熾炭鳴爆竹有坐至深夜者名曰守歲是夜以安靜為吉

夜者名曰守歲是夜以安靜為吉

禮制

士禮之行於鄉者有二射與飲酒是也昌雖僻壤禮制不異於上國推之蒞官行法皆戴 聖天子之赫聲濯靈焉傳不云乎上好禮則民莫敢不敬可弁髦棄之耶志禮制第七

朝覲禮

明初外官歲一朝洪武二十九年始定三歲一朝昌化裁革丞簿止設正官首領官各一員其正官免朝止首領官帶吏一名以行國朝因之順治十二年始免首領官止吏一名賚冊代 覲康熙二十五年停止繁冗冊籍每屆三年各省止差道臣一員賚冊代 覲 凡正日冬至 聖誕知縣帥僚屬先期習儀于治平寺本衙門內齋宿至日黎明設

慶賀禮

儀仗具朝服于明倫堂行慶賀禮如 制 祝詞 浙江杭州府昌化縣知縣臣某等荷 國厚恩叨 享祿位皆賴天生我君保民致治今茲 聖誕 聖壽益增增臣等下情無任喜躍感戴之至凡正旦長至祝詞同儀仗四十有三龍亭一香亭一龍幄一龍頭帳鈎二龍包柱四金椅一金踏櫈一金盤一金罐一龍袱二傘二扇四戟二戟斨戈斨班劍梧杖立瓜臥瓜骨朶橈杖斧響節令旗並如戟之數 天丁四十有八冠袍帶之數如之鼓吹二副細樂一副凡遇 太皇太后壽 皇太后壽 萬歲壽俱行三跪九叩頭禮 皇太子壽俱行二跪六叩頭禮其餘 文廟并救護日月元旦冬至開印封印俱行三跪九叩頭禮

開讀禮

凡 詔旨下知縣帥僚屬具龍亭綵輿儀仗鼓樂出郭迎至長春橋朝使至下馬捧 詔書置龍亭中南向朝使立龍亭東知縣以下北面行禮眾官及鼓樂前導朝使上馬隨龍亭後

行至縣門外衆官序立門左候龍亭至公廳朝使  
立于亭東西向知縣以下排班行禮開詔宣讀復  
至龍亭中衆官行禮後知縣詣龍亭前跪問  
躬萬福朝使鞠躬答如所問知縣復位借衆官行  
禮畢復具鼓樂送龍亭于庫衆官乃退易服見  
朝使隨膳黃遣使賫各屬迎接之禮亦如之

**救護日月禮**

凡日蝕知縣率僚屬具素服俱于縣  
露臺上向日立至期陰陽生報日初

食行禮畢知縣擊鼓三聲衆鼓齊鳴候陰  
陽生報復圓再行禮如初月蝕禮同

**行香禮**

凡朔望縣官詣學率僚屬謁先師廟畢  
縣官隨謁關帝廟城隍廟回縣至儀門

謁土地祠遇立春  
冬至禮亦如之

**鞭春禮**

每歲預飭造土牛芒神立春先一日縣官  
朝服具鼓吹迎春于東郊至縣大門外土

牛南向芒神在東西向各官肅揖而退至日依時  
縣官具朝服帥僚屬設香燭酒菓行禮畢各官執

綵仗排列牛傍縣官擊鼓三聲各官環擊土牛者  
三祝文維年月日知縣某等敢昭告于勾芒氏  
之神曰惟神職司春令德應蒼龍生意誕敷品彙  
萌達某等忝牧是邑具禮迎新戴仰神功佑我黎  
庶尚饗

**祈禱禮**

凡旱澇知縣帥寮屬齋戒具素服禱于城  
隍又甚則徧禱羣神得禱以牲醴報謝亦

有用黃冠緇衣巫覡為壇而  
禱之者驗不驗恒相半云

**新官上任禮**

先一日致齋宿城隍廟屆期迎至儀  
門以羊一豕一致祭祭畢詣縣易公

服于露臺行謝恩禮禮畢升署公座尋易常服  
行參見禮乃諭僚屬乃署文移乃饗官屬父老今

無饗父老者祭神祝文維年月日某奉命來  
官務專人事主典神祭今者謁神特與神誓神率  
幽冥陰陽表裏予有政事未備希神默相使我政  
興務舉以安黎庶予倘怠政姦貪陷害僚屬凌虐

下民神其降殃謹以牲醴致祭神其鑒之尚饗  
諭僚屬 朝廷設官置吏欲其敬神恤民親賢遠  
奸興利除害某不敏忝茲重任尚賴一二僚屬及  
邑中長者匡其不逮庶免後艱其四境之內利有  
當興弊有當革者某等當  
共勉力爲之以安黎庶

### 鄉飲酒禮

定例鄉飲酒禮儀每歲正月十五日十  
月初一日于儒學舉行凡行禮必預推

大夫士之有齒德者而敬延之前一日執事者于  
儒學講堂陳設坐次司正帥執事習禮至日黎明  
執事者宰牲具饌主席及僚屬司正先詣學遣人  
速賓僎以下比至執事者先報曰賓至主席帥僚  
屬出迎于庠門之外揖入主居東賓居西三揖三  
讓而後升堂東西相向立贊兩拜賓坐執事者又  
報曰僎至主席又帥僚屬出迎揖讓升堂拜坐如  
前儀賓僎介至既就位執事者唱司正者揚解執  
事者引司正由西階升詣堂中北向立執事者唱  
賓僎以下皆立唱揖司正揖賓僎以下皆揖執事

者以解酌酒授司正司正舉酒曰恭維 朝廷率  
由舊章敦崇禮教舉行鄉飲非爲飲食凡我長幼  
各相勸勉爲臣盡忠爲子盡孝長幼有序兄弟  
恭內睦宗族外和鄉里無或廢墜以忝所生讀畢  
執事者唱司正飲酒飲畢以解授執事者唱  
揖司正揖賓僎以下皆揖司正復位賓僎以下皆  
坐唱讀律令執事者舉律令案于堂之中贊禮引  
讀律者詣案前北面立唱賓僎以下皆立行揖禮  
如前讀畢復位執事者唱供饌案執事者舉饌案  
至賓前次僎次介次主三賓以下各以次舉訖執  
事者唱獻賓主起席北面立執事斟酒以授主主  
受爵詣賓前置于席稍退贊兩拜賓答拜訖執事  
又斟酒以授主主受爵詣僎前置于席交拜如前  
儀畢主退復位執事者唱賓酬酒賓起僎從執事  
者斟酒授賓賓受爵詣主前置于席稍退贊兩拜  
賓僎主交拜訖各就位坐執事者分左右立介及  
三賓衆賓以下以次斟酒于席訖執事者唱飲酒  
或三行或五行供湯又唱斟酒飲酒供饌三品畢

執事者唱徹饌候徹饌案訖唱賓饌以下皆行禮  
饌主僚屬居東賓介三賓眾賓居西贊兩拜訖唱  
送賓以次下堂分東西  
行仍三揖出庠門而退

凡鄉飲酒禮序長幼論賢良別奸頑其坐席間高  
年有德者居于上高年淳篤者並之以次序而列  
其有違條犯法者不許干預良善之席違者罪以  
違制敢有誼譁失禮者揚解者以禮責之主席在  
府知府在州知州在縣知縣如無正官佐貳官代  
位于東南大賓以致仕官為之位于西北饌賓擇  
鄉里年高有德之人位于東北介以次長位于西  
南二賓以賓之次者為之位于賓主介饌之後除  
賓饌外眾賓序齒列坐其僚屬則序爵司正以教  
職為之主揚解以罰贊禮者以老成生員為之  
律鄉飲酒禮已有  
定式違者答五十  
讀誥禮已久不  
行故不復錄

### 鄉射禮

射式凡官府及學校朔望于公廡空閒處  
習射凡樹射鵠正南北向凡置射位于三

步後累加至九十步凡射各以長官為主射凡賞  
酒中的用三爵中采用二爵凡司射必自下而上  
射器狐鵠一布鵠二兕中一鹿中一算以十耦為  
率用八十籌盛一桶二容一旗每容後各六赤一  
采一青一白一黃一黑一弓矢案一弓矢若干爵  
案一爵二射職司正副司正每鵠一人司射副司  
射二人司射器二人司爵二人請射四人獲者每  
鵠二人執旗六人射位主射官位中諸生位東西  
東西偏及容後射器射職位皆如之學官射于中  
狐鵠諸生射于東西皆布鵠射儀前期戒射定耦  
選執事樹鵠陳矢如圖儀至日執事者入就位請  
射者引主射正官及各官子弟士民俊秀者各就  
品位司射器者以弓矢置正官及司射前請射者  
詣正官前揖引詣司射器前取弓矢畢引復本位  
司正執算入立于中後請射者詣司射曰請誘射  
引司射二人耦正各以三矢搢腰帶右以一矢挾

二矢間年長者為上射年幼者為下射上射先進  
詣射位向鵠正立發矢司正書中投算置于中或  
副司正書中執旗者舉旗應之上射射畢退立于  
旁讓下射者詣位發矢取算書中舉旗悉如之請  
射者俱引復位收矢者收矢復主射者司正取所  
中算請射者次請士民俊秀射次請官員子弟射  
次請品卑至品高射其就射位發矢取算書中舉  
旗收矢復位俱如前式既畢司正副司正各持算  
白于主射官司爵者酌酒授中者飲訖請射者請  
屬官以下射俱畢乃奉弓矢納于司射器還詣主  
射正官前  
揖而退

### 講讀禮

每月朔望縣率各官暨闔邑紳士里耆于  
明倫堂宣講 聖諭廣訓十六條並摘易  
犯律條詳為曉諭于各鄉里民中擇其素行醇謹  
通曉文義者舉為約正令各就所近村鎮勤為開  
導知縣教官親歷各鄉督  
率約正值月徧講一周

昌化縣志卷一

昌化縣志卷之二

山川

紫溪因水析鄉武隆緣山制邑是知山水實爲  
主名戶口乃其附麗奚况佛圖仙跡遠近杼靈  
秀句鴻章後先耀采勒孝標之志可當臥遊補  
酈元之經此爲具體云爾志山川第八

○  
唐山

咸淳臨安志在縣後高二十丈爲縣治主山

成化杭州府志唐神龍元年改武隆縣爲唐山因  
是山也嘉靖昌化縣志延袤五里

○ 青山 **嘉靖昌化縣志**在縣前雙溪之南岸高二十

餘丈延袤四里聯峯羅峙叢木蒼翠影落中流秀

色可覽其狀如屏故又曰南屏山一曰官山蘇東

坡詩云亂山滴翠衣裘重蓋謂此也縣治舊有滴

翠堂下有滴翠亭皆取其詩意云

○ 武隆山 **咸淳臨安志**在縣西北一里許高一百五

十丈周圍二十里有葛洪煉丹井唐天后以山名

應圖識分紫溪縣別置武隆縣

程弘道詩青嶂高千仞羣峯俯岱齊

農桑依古陌市柳卻平隄樹亂巢歸鳥泉鳴響咽溪雲根何處覺荷斧只林西徐正矩登武隆山巔

詩徑僻蒼烟絕平灣綠樹通松濤驚驟雨鳥陣破

長風題句傳羅隱求仙問葛洪不知城郭在羽寄

萬峯中仁和許先甲登武隆絕頂詩三首東南千

嶂絕江湖萬里清空入望孤水下嚴陵趨大海山

迴銀嶺走東吳海雲出壑諸峯沒落日橫崖萬木

枯植杖遠眺天已近星辰北摘是方壺日銜西嶺

江天碧風下長松深壑號白石亂眠疑虎豹青楓

森立似旌旄天邊雲影移丹嶂峰底泉聲隱白蒿

極目萬山最深處輕烟直上有村醪峰頂嵯峨極

望齊春谿開遍白棠梨留雲石壁三千丈礙石蒼

○ 嘉靖昌化縣志

在縣前雙溪之南岸高二十

餘丈延袤四里聯峯羅峙叢木蒼翠影落中流秀

色可覽其狀如屏故又曰南屏山一曰官山蘇東

坡詩云亂山滴翠衣裘重蓋謂此也縣治舊有滴

翠堂下有滴翠亭皆取其詩意云

○ 武隆山 **咸淳臨安志**在縣西北一里許高一百五

十丈周圍二十里有葛洪煉丹井唐天后以山名

應圖識分紫溪縣別置武隆縣

程弘道詩青嶂高千仞羣峯俯岱齊

農桑依古陌市柳卻平隄樹亂巢歸鳥泉鳴響咽溪雲根何處覺荷斧只林西徐正矩登武隆山巔

詩徑僻蒼烟絕平灣綠樹通松濤驚驟雨鳥陣破

長風題句傳羅隱求仙問葛洪不知城郭在羽寄

萬峯中仁和許先甲登武隆絕頂詩三首東南千

嶂絕江湖萬里清空入望孤水下嚴陵趨大海山

迴銀嶺走東吳海雲出壑諸峯沒落日橫崖萬木

枯植杖遠眺天已近星辰北摘是方壺日銜西嶺

江天碧風下長松深壑號白石亂眠疑虎豹青楓

森立似旌旄天邊雲影移丹嶂峰底泉聲隱白蒿

極目萬山最深處輕烟直上有村醪峰頂嵯峨極

望齊春谿開遍白棠梨留雲石壁三千丈礙石蒼



滿高情已在白雲壇章嘉會登武隆山絕頂詩隆  
山山勢最嶮峭東脚芒屨踏踏遙二月東蟠千頃  
北巍然獨峙干穹霄環城繞郭垂蒼紫大溪小溪  
溪溪水噌吰噴薄吼罡颺銀濤石浪雜沓起隱現  
波光曲折沍依稀遠艇浮氤氳市廛一帶橫烟火  
山空不礙鄰塵紛昔有句容抱樸子不慕榮利經  
遊此至今丹井見遺踪野老猶能憶終始亦有眉  
山蘇公軾癖嗜林巒多奇特結亭池畔竭來頻殘  
碑餘韻時堪拭我意飄然歡與同振衣千仞臨高  
風長嘯一聲帝座通鉄篴孤吹萬象徹此身疑度  
中碧雲

百丈山 咸淳臨安志在縣西二十里高一千五百

丈周迴二十里一名潛山吳興地志云於潛西有  
潛山堯時洪水此山潛水中不沒者百丈因名焉

山上有太公潭旁有王大伯鹽洞或見鹽數十袋  
曝于洞口就之不見始疑以爲神仙山下兩石對  
峙高二三丈號秦皇石其二峯並者號雙峰輿地  
廣記紫溪水所出東南流經桐廬謂之桐溪又經  
富陽入浙江成化杭州府志其山高廣雄深能出  
雲雨又多產靈藥及濟飢草木實爲唐山之望山  
之陰又有山曰大鵠下有靈惠廟卽山神也

雲谷山 嘉靖昌化縣志在縣西三十五里原野平  
曠數百頃岑峰崛起林谷逶迤常有雲氣出沒陳

正巳記法興院謂邑乘所載雲谷山是也

○ 鷲峰山

成化杭州府志去縣西五十里高六十丈

唐大曆中俱胝道者所居後捨爲寺山南有起雲墩東有白潭山寺後有丁東洞

○ 石柱山

嘉靖昌化縣志在縣西五十里高五十丈

延袤十餘里中有巨石如柱

○ 大鵠頭山

咸淳臨安志在縣西六十里或以爲山類鵠頭或以爲鵠曾棲止得名勢凌霄漢人不可到惟採藥人結伴攜糧具火信宿上下其中坦平

神仙所棲花果人不敢採有龍池闊三百畝四傍如葑田歲旱人攀緣禱雨其上成化杭州府志高一千丈與百丈山相連

○ 龍塘山

嘉靖昌化縣志在縣西七十里高一千丈

延袤五十里山多怪石峙立如門其上爲普濟寺爲龍池林谷幽篁不類塵世萬曆昌化縣志龍巖和尚手植梓木于上森然十圍至今愈翠康熙昌化縣志由十八曲嶺而上有龍池二一在山巔廣二百餘畝一距上池十里廣十餘畝歲旱人禱輒

昌化縣志 卷二  
應名勝志 山中石壁環列如城多奇松人莫能取

巖水注下會于澗山麓有石龕高丈許廣可容三

五人內有龍巖和尚趺坐跡有石窟如小鉢線泉

紆滲其中不溢不涸歲寒不冰 明教諭徐然游龍塘詩 夙有尋山癖

今來訪石林罡風吹帽重寒露入衣深室自雲中

搆人從天上吟勝游良不易明月照山岑訓導傅

應驥龍塘山中詩 山色渾無定須臾易紫藍雪根

時滴乳龍氣日成嵐有句宜畱石無巖不可菴神

仙橋上望松外鶴來參陳秉謙龍塘曉起詩 雨曉

山窗靜閒聽鳥衆啼霧搖千嶂綠雲繞亂泉低梵

鼓催心戒禪鐘擊性迷未

知僧定否獨坐向巖西

大明山 咸淳臨安志 在縣西九十里南接嚴州昔

悟空禪師所隱今山下立慧照院 成化杭州府志

在縣西八十里高一千一百丈山巔廣三千餘畝

如平地其中有龍池相傳唐宣宗微時嘗隱于此

大中初建寺其上山半有瀑布泉白蛇巖又有鷄

子峰神鸞峰崑崙巖在其下及登絕頂俯視之則

猶培塿耳

量金山 嘉靖昌化縣志 在縣西九十里

晚山 太平寰宇記 山悉松木真木所出 咸淳臨安

志 在縣西北十里高一百四十丈周回三十里晉

許邁所居山下溪灘號許游灘唐人詩葛井許灘  
今古傳遠游嘗至於潛採藥遺跡爲許游觀其事  
甚明但今復號灘爲洗耳灘又引巢父飯牛爲侶  
號橋爲白牛橋蓋因由游二字音同而訛耳

箕山

咸淳臨安志在縣西北十里神仙所隱嘉靖

昌化縣志按史記箕山在潁其上有許由塚而此  
亦云箕山必爲邁由托跡如洗耳白牛之類康熙  
昌化縣志上有天池奇旱不涸又井七今迷其五  
存二又有五色沙五方各別游人或掬而聚之逾

數日仍自分五色最爲神幻

按成化府志及名勝志皆云晚山一名箕山萬曆  
府志有箕山無晚山咸淳臨安志兩存今從之

巾子山

咸淳臨安志在縣西北四十五里萬曆杭

州府志高三十八丈延袤七里

千頃山

成化杭州府志在縣西北六十里高一千

六百丈上廣千頃參寥子詩云茲山嵯峨冠天半  
蓋可見其高矣山有寺名龍西有娑羅巖生娑羅  
花一樹初夏花開香聞數里又海棠瑞香黃精徧  
生其麓山巔有龍潭平廣數百畝禱雨輒應潭有

金銀魚宋高宗遜位居德壽宮嘗命中使取之咸淳

臨安志淳熙十三年六月中使奉德壽宮命捕金

銀魚新安胡口詩千頃山高六十里上有寒潭清

且泚神龍久向此中蟠作霖肯為蒼生起羣魚從

之時浮沈唼喁光彩歲月深自然形質異凡鬣或

如美玉或如金或青或紅或間色縱使丹青摹不

得幾年潛伏少人知一旦聲名動京國皇家太平

端好奇麟欲效瑞鳳欲儀白環銀甕爭走獻豈得

汝輩藏洿池深山大澤多遺寶紆餘卓犖皆娟好

願移網罟聊一施嶄然頭角趨明時司馬樵千頃

山詩二首瓊葉半開童女頰蕨芽初長小兒拳山

中雲雨雖無味何似山河走莫烟一池春水應江

潮中起沙鷗數尺高誰謂風雲遠朝市亂山深處

亦波濤又長句欲為龍池游束裝戒蓐食雞鳴天

未曙呼兒重蠟屐澹洄遡寒溪確犖疲亂石迢迢

萬丈嶺宛轉蒼龍脊山高吐朝氣恍不辨咫尺俯

聽雷雨聲仰逐猿猱跡委蛇度花塢綠淨草可蓆

喜如出籠檻身輕飛鳥擲不辭雙足繭遠探蛟龍

窟傳聞此山巔舊有滄海色邇來三十年潭湫變

枯荻至今應江湖尚浮鷗鷺集至理竟未解對之

空太息不如西湖遊揮篙汎瑤碧吳玘詩松檜陰

中六月清異花靈草不知名路從瓊液山前過人

在水晶宮上行千尺翠嵐分月色一軒寒籟動秋

聲登臨不厭躋攀峻貪看雲從鳥下生又絕句千

頃山中月三黃頂上雲相看無一語今日喜逢君

福泉山

咸淳臨安志在縣西南五十里神龍所居

雲出其中則大雨

按諸志皆云福泉山一名銅坑嘉靖縣志云其絕

巘曰銅坑峯故又名銅坑山惟咸淳志分銅坑福

泉為兩山今從之

龍池山嘉靖昌化縣志在縣西北八十里自趾徑

盤旋其巔七里有古菴焉菴前有龍塘塘外有龍井二其一爲婦人盥手遂涸其一雖大旱不竭

筆峯山 嘉靖昌化縣志一名金家山在縣西北九十里自下觀之峯律如筆上坦平可棲

白雲山 在縣南十五里

猊山 在縣南十五里拔地而起勢甚盤旋

峒麓山 嘉靖昌化縣志在縣南二十五里覽溪之上高百丈延袤五里宋章樵建書樓因自號

仁山 嘉靖昌化縣志在縣南二十五里高二十丈

延袤六里山勢盤迴林木蒼鬱溪流九曲繞其下

石筍山 嘉靖昌化縣志在縣南三十里高一百五十丈延袤二十里上有巨石如筍康熙昌化縣志

與石室聯屬下有千人石

柳相山 咸淳臨安志在縣南三十里 嘉靖昌化縣志在縣東南

二十里高一千八百丈周迴一百三十里東接紫溪

縣南入分水縣成化杭州府志一名瑯相瑯音留名勝志其下爲柳溪

石室山 太平寰宇記嵌空如室成化杭州府志去

縣南四十里高一千丈有盤陀石大如屋前插一

簷內作菴可設榻容二十人名不疑菴後有虎威

巖萬曆杭州府志延袤四十五里仁和潘蔭餘石室瀑布詩織泉

冰練出巖水瀑寒濤松雪飛千尺溪雲洗萬縑風

雷蛟氣合玉乳雁峯膏台宕無幽索凌虛此最高

張芬題石室詩石頂蘭為茅石下康熙昌化縣志

雲為戶飛泉日障簾不許凡人覩

其東為竺雲山一名何上坪於潛盛經燧竺雲山詩翠蠹羣峰上嵐光

帶晚烟林深攢落日壁斷挾寒泉雲浪翻空海松

清引碧川臨崖長嘯發萬籟起瑶天盛日佳竺雲

山詩古寺臨高阜疎林淨曉烟雲寒常戀壑石怪

每當泉花氣紅薰谷松聲綠繞川誰知人境外又

是蔚藍天釋白幻登竺雲山詩獨上千峯與萬峯

晴嵐淡寫海江容偶從動問山居事笑拍巖前一

樹松邑貢士鮑鴻勛竺雲山詩寂寞寒山頂豪呼

意欲仙烹茶分野席採藥滌巖泉竹密藏鳩雨松

稠破鶴烟金經閒一讀高臥可忘年姚九穗登何

上坪詩羣峰圍半嶺曉樹破蒼烟塔引懸蘿磴巖

飛瀑布泉雲移窺碧澗日落俯

晴川萬象登臨外虛空欲問天

鼎山 在縣南四十里高三百丈絕頂橫坦如一字

中有巨石方廣畝餘登覽其上四遠勝概近接目

前

銅坑山 咸淳臨安志在縣南五十里東接分水南

帶淳安西巨績溪其最高窮絕處有龍池三草木

蔭蔽龜蛇浮游或雲氣籠罩必雨歲旱禱焉成化

杭州府志高一千丈

佛跡山 嘉靖昌化縣志在縣南五十里高一千丈

延袤三十七里始獵者見神人雙跡于雪中因名

湖山 嘉靖昌化縣志在縣東南五里

鐵碓巖 成化杭州府志在縣西十五里巖頂掌平

方壁峭立狀如鐵碓故名 張芬游鐵碓巖記予慕

項寺之北負土而迅銳四望皆方形如削有類乎

鐵工之碓以錘鍛羣器者然遂以名之或曰枕也

即與公漱流枕石之義巖有沙五色分隊而列儼

若畫驟雨怪風不能擾亂樵牧之好事者取各種

少許錯雜成繡以為異觀踰日再過色歸隊雖分

置排列不若是之純也聞元末有將吳存仁者領

所部兵校屯此遂保障此山之民民德焉至今祀

之巖頂有巨蕩奇旱不涸且有七泉今迷其五每

遇旱土之農禱焉而雨是吳將軍之神誠有德于

此民者故并記之其時蓋丁酉暮春修禱時也

獅子巖 成化杭州府志去縣西五十里石門山口

以形得名 康熙昌化縣志一名獅石壠崖壁嶙峋

儼若狻猊蹲踞狀巖左嵌洞為門出入微泉吐洞

頂滴滴灌注小壑其對為象鼻巖 訓導李以淳詩

奇搏面來倚巖驚佛閣入洞笑亭臺雪引飛

泉過青偷嵐影迴沉吟幽險路題罷認林隈

滴水巖 萬曆杭州府志在縣南二十五里石壁環

列如城多奇松人莫能取巖水注下匯澗足以溉

昌化縣志 卷二 十一



田大旱不竭

張芬遊滴水巖觀瀑布詩昔聞廬山三疊泉雪飛千丈生雲烟又聞天台

兩龍湫衝激萬仞驚龍虬晦山貽我記一冊讀之神行恨無屐谿堂惠子畫二紙夢入天台身若死士貧無計遍名山空使奇情自往還今來石室逢知己道是有巖名滴水昨夜春雨如潮生千澗萬澗齊號鳴巖前瀑布十餘丈噴雪崩雷不可狀壁峻潭深一注眸樞衣欲墜身若浮林鳥聲聲喚人轉琤琮山下目欲眩三疊龍湫遠若何此巖親我日狂歌更喜村童攜酒至醉抱白雲眠晚翠

崑崙巖

萬曆昌化縣志距縣西四十五里

白蛇巖

嘉靖昌化縣志俱在大明山萬曆昌化縣

志至今常有蟒蛇出於其間

仙人巖

嘉靖昌化縣志在縣西北七十五里下有

山洞上多怪石異草

照金巖

嘉靖昌化縣志在縣西北九十五里巖下

有石其光可鑒毛髮遭紅巾寇焚自是不復明矣

墨子巖

咸淳臨安志在縣西南四十里蒲村其高

切雲上有室穴坐具昔樵者見野服三四人奕碁

石上問侍者曰古墨子也

蜃巖

成化杭州府志在縣南十里朱穴其東有蜃

池併以名焉宋章樵作起青樓于下人多留題

石巖

咸淳臨安志在佛跡山縣南二十五里巖石

對峙雄峻綿亘自麓至巔一日方到上有石鼓石

座石棊枰蓋神仙所棲姚九穗白石巖詩朝游訪名巖巖空白石靜雲光留

戶庭虛室何閒冷幽興激重泉高情囑遐嶺林盡始窮巔峰迴覺路永弭節停中阿流風衰更整適

睽澄霞姿揮精厲日影彼美不可追芳躅徒自景遂信參寥者無人復無境

娑羅巖 萬曆昌化縣志在千頃山產羅漢竹

金紫巖 萬曆昌化縣志距縣三十五里在玉嶺巖

石如赤金故名

白水巖 飛泉灑落如練其上多靈草昔有二叟憇

菴內後不知所終但見雙鶴翔于巖際云相對有

蓮花峰 王守矩詩為尋芝草到茅菴峭壁孤岑俯碧潭石上蒼苔薰雨氣林間蘿薜鎖烟嵐

一巖春水白于雪兩座蓮峰矗似簪從古仙靈多憇此夜深應有鶴停驂

朱貴峯 成化杭州府志去縣南三十里與金山相

向峯腰有石壇闊二丈餘名金牛跡石舊傳有金

牛從洪下山透過下余村經行此峰留十數跡于

石上及有牧童臥處並笠杖跡嘉靖昌化縣志高

四十八丈延袤三十六里康熙昌化縣志上有巨

石方廣畝餘四望俱入空際

雙桂峰 嘉靖昌化縣志在縣西南里許聯屬南屏

二峰秀色可愛

鷓子峰

嘉靖昌化縣志在大明山

樂利峰

康熙昌化縣志在千頃山左壁立孤峭上

可望錢塘江背極蕪湖縣

梯峰

在縣西三十二里

紫微嶺

成化杭州府志在縣東一里聯峰夾嶺鬱

然深秀其上有雲峰嶺南連郭門北距金雞山縣

東之奇觀也嶺有官亭凡送迎多止于此旁有紫

微道院

賈似道詩西風落葉路漫漫衣袂微生旦暮寒只隔片雲家便到遠山移入夢中看

鳳凰嶺

嘉靖昌化縣志在縣西三里高二十丈

黃花嶺

嘉靖昌化縣志在縣西三十里寧浙接壤

置關在上正德十四年寇擾宣御史許僉都移檄

委義官徐溥守禦而賊不敢掠境昌化得安全矣

車盤嶺

萬曆昌化縣志在縣西五十里新建千手

觀音玄帝廟

清風嶺

在縣西五十八里

百丈嶺

萬曆昌化縣志在縣西六十里有龍池旱

則禱之山高而崎嶇春冬霧氣白晝如夜上有古

菴

昱嶺

嘉靖昌化縣志在縣西七十里高七十五丈

其嶺為徽杭之交有石刻六字曰江東路徽州界山勢險阻嘗置關禦寇故又曰昱嶺關元至正紅巾寇由此入犯杭城後又寇擾許僉都宣御史移檄本縣委醫官許珙守衛昌賴寧靖

欠嶺

嘉靖昌化縣志在縣西七十里

手穿嶺

嘉靖昌化縣志在縣西九十里嶺低坦可

屋元立巡檢司于此因以名司

棧嶺

嘉靖昌化縣志一名分界嶺在縣西一百里

其巔為績溪縣界有古刻界石

龍髯嶺

諸志皆作龍鬚

咸淳臨安志在縣西南四十里地

名蒲村石上莎草厚如茵褥嶺有廟廟後有石鏡其下有潭亦龍所宅嘉靖昌化縣志在縣西南三十五里高四十五丈地名金村

玉嶺

成化杭州府志去縣南三十五里金山之上

俗呼為金山玉嶺旁有金紫巖峯巒特秀又二山峙其下為挂榜山嘉靖昌化縣志高七十丈

柳嶺 嘉靖昌化縣志在縣北七十五里

長嶺 萬曆昌化縣志在縣東南五里高十餘丈真

武帝靈鎮于此居民于降辰日往求嗣

王公洞 嘉靖昌化縣志在縣西三十里百丈山昔

人見洞口暴鹽就之不見一日古仙洞又曰王仙

洞皆相傳為神人所居今崩石壅塞不可入矣萬

曆杭州府志石洞幽深古仙人王太伯嘗居之

甲子洞 嘉靖昌化縣志在縣西十八里前山下元

季堪村姚氏十餘人避寇其中一童子偶出寇詰

知之積薪洞口燻之盡斃

石燕洞 成化杭州府志去縣西四十五里義干前

塢有壺瓶岡中有石洞深不可測洞門高丈餘內

如大屋可坐數十人其頂有天窗通明泉流涓涓

繞石如琴筑聲四時不竭舊傳古有石燕飛出因

名

七里洞 嘉靖昌化縣志在縣西四十里其深七里

靈物居之每歲水必一至其勢衝山激石澗壑為

之屢遷流過石湖而入晚溪 邑貢士徐楫借邑博  
冷麓泉遊七里洞詩

老樹荒村秋易過天風落木滿山阿迢遙古砌穿  
藜蔓突兀層巖繞薜蘿隱隱竹籬迎犬吠悠悠林  
莽度鶯梭溪頭笑語成長坐會聽樵歌下遠坡

龍洞 成化杭州府志 在龍塘山普濟寺後其洞深

暗莫能窮近歲有禱旱者偕十數人持火入其中  
行可半里初聞泉聲涓涓少頃聲漸大陰氣中出  
火爲之滅衆懼而還始信爲龍物所棲也嘉靖昌  
化縣志石磴縈紆而下如曲房有石狀肖羅漢若  
雕鏤者然故又曰羅漢洞

丁當洞 嘉靖昌化縣志 一名丁東在鷲峰寺後泉

聲丁東四時不絕

宋洪咨夔丁東泉詩渴鳥滴盡

困來茶未熟爲師搖夢作丁東王守矩丁當洞記  
鷲峰禪室後有大麓焉綠蘿如繚斑竹成垣蛇盤  
虬攬瓌然殆不可狀山多石嵌空玲瓏怪奇雜遝  
如戰士伉壯持弓矢劔戟稜稜欲刺人坐其下寒  
氣沁肌骨遊者至此每旋踵余以暇偕諸客至其  
地曰是必有異呼僧訊之曰離此數十步有丁當  
洞投以石鏗然有聲響數刻而止風日晴和時有  
白虹紫霞氣如游絲縷縷從洞口吐納旣乃直上  
幽篁松栢間林麓皆濕乃扒萼穿石罅盤蹙而  
上詣洞口仰視巖窟若頽頽斷齧纍纍下垂俯視  
晴巖窅窅窈冥不見底投以石蓼蓼如鼓聲因笑  
語僧曰凡洞空中多竅者投之卽有聲獨此丁當  
洞乎哉語未竟老僧具酒食觴其下拋一石飲一  
卮以爲觴政半酣客有善簫者按節而吹俄有聲  
從洞中出淹淹抑抑慘慘切切忽瀏亮激越振動  
林木歸禽野鳥呼噪相答客乃繞洞大叫曰是所

謂丁當洞也惜前此未及游游者又未及洞口而返遂使茲洞沒湮至今也余曰否否不然仙窟靈藪蕪沒正墟榛莽間千百年未經過而問焉者不知凡幾獨丁當洞然哉今斯洞遭余與子而其奇以顯則亦未可謂之不幸也因磨石記歲月而還

○ 仙姑洞 嘉靖昌化縣志在縣南八都山巔其大如

堂屋內有泉窟遊人可盥 山巔高不可躋淳熙時有採薪者援而上見一

綽約如處女者坐洞口聞喘息聲潛入洞中採薪者隨跡之忽不見

○ 石門 咸淳臨安志在獅子巖西五里兩石壁立如

門其中回環三五里水瀉瀉循門而出俗傳神仙

所棲 嘉靖昌化縣志在縣西北五十里兩崖如門

高倚霄漢仰觀者驚心奪目門僅可通人出入

○ 挂簾石 一作垂簾石 咸淳臨安志在縣南五十里有潘

山峻拔松林二十里山聳片石如空中垂簾下有

石碁局松間有置窰造墨處亦神仙所棲

○ 金牛跡石 詳見朱貴峰

○ 梅花石 成化杭州府志在縣西南十里前溪塢口

巨石屹起有白點隱然如梅花可觀

○ 秦皇石 成化杭州府志在百丈山下兩石對峙高

二三丈古傳秦始皇東遊錢塘臨浙江上會稽作

石橋欲過海看日出處有神人驅石石去不速輒

鞭之此石乃驅之不去者又號為雙峰宋進士俞應僉詩祖

龍盛氣役神鞭壁立無移只屹然定是  
是先朝陳寶化陰靈寂寂笑求仙

○ 仙人石 成化杭州府志有三一在縣西北二十五

里北嶠龍湫之上石高三十餘丈其頂坦平上有

石碁局碁路赤色如界畫者觀者攀緣而上毛髮

為之悚然一在縣西南五十里阜茨嶺石高五十

餘丈倚空特立旁無土木望之如人形又名佛住

巖一在縣西北一百里汪仙庄有片石特立山麓

高十餘丈上廣下狹瞰乎溪流四面異狀如柱如

掌如浮圖如人立或以飛梯緣上置佛像于嵌巖

之間

盤蛇石 成化杭州府志在千頃山石縫中有一金

色小蛇或隱或現人呼為聖蛇潘元燦詩  
跌坐盤蛇石冥焉斷情想

閒看蒼翠中  
白雲遞來往

關王石 康熙昌化縣志在縣西七十里荊洲水口

倚天拔出彎環如刀狀故名莎草族生腰罅間若

繫纓者



石路 嘉靖昌化縣志有二一在縣東二里西臨灣水潭東爲崖壁宋令劉七修鑿爲鄉民便太學生孫布記路今猶磊砢崎隘難于步履想見未鑿時嶮阻則知劉侯之爲功也一在縣西三十五里破山灣南臨深溪北抵崖壁天順五年叶源陳宗儒鑿計二里許廣三四尺工費數百金章道榮記石其路爲徽杭要衝商旅踵接未通鑿時行者必渡溪南岸迂行數里復渡北岸冬寒病涉或遇溪漲尤爲旅患此路一開無復二渡之險矣

石鏡 嘉靖昌化縣志有二一見照金巖一在縣西南三十五里龍鬚嶺後瑩徹可鑑明則霽昏則雨爲居人占候陰晦之夜光燭如月昔有夜盜刈人麥者鄉人嗔石光爲盜便衆紛然斧鑿以狗血塗之遂昏晦數十年矣近年夜光間發而明終不繼

康熙昌化縣志每夕光照曜則反照入石觀者尤

爲奪目

程弘道登石鏡山詩拾級尋幽勝千崖一照中菱花凝水碧潭月盪雲空翠岫分眉

倩蒼烟點畫工山靈好拂拭清影鑒何窮

雪崖

成化杭州府志

崖在百丈溪東崖石白點如

雪因名宋邑人凌蜚英廬墓其下謝疊山枋得詩  
云謾說清銜冰一條爭如百丈雪崖高蓋指此也  
蘆荻墩 在縣南四十一里平陽突起小墩高不盈  
丈廣畝餘清泉仰瀉夏涼冬溫嚴寒煖氣薰蒸疊  
疊上浮環墩無積雪

太平尖 在縣西北二十五里聯屬百丈孤峰陡聳  
上有甘泉石間有篆文古跡元時居人避寇于此  
故名

龍尾石 在縣西四十三里洞口空曠可容數人有  
石如疋練下垂鱗爪皆具水一縷涔涔滴注爲小  
窪深數尺冬夏不涸盛暑入其中寒氣卓豎毛髮  
病目者掬拭之多愈

白獺湖 成化杭州府志在縣西南一里合溪亭之  
後十餘步橫亘半里許舊多蓮花宋邑令章伯奮  
建鏡紅亭于上

○ 虞溪 咸淳臨安志又云瀟溪在縣東一里自此綿  
亘三十里凡涉數村曰楊村曰盛村曰楓樹坪曰  
黃蘗皆在此溪上下流間爾雅陵夾水曰瀟

○ 晚溪 嘉靖昌化縣志在縣西七里與無他溪巨溪

諸小溪之水會焉有許由洗耳灘唐人詩云葛井

許由灘蓋因許遠遊隱此故名今許氏所居之東

南隅為中洲一名上龍洲洲前伏象屏名挂榜山

洲後長湖潭接東塢水洲下石壁灣礪磯如畫章昭

文詩攬轡吳山欲盡頭危闌下瞰浪花秋白蘋風斷東西岸赤石灘分上下舟閒聽漁樵談舊事誰

將芎筍薦前修應同巢許誇寥廓只有寒聲流不休郡判鄭作肅詩灘聲洶湧幾春秋洗耳還須一

枕流耳畔是非無有盡故應流水不知休教諭黃伯善上龍灘寄謝中洲許二尹詩纔羈下吏秩遂

負野人心白屋迷雲壑黃昏度竹林村中聞吠犬淵上媿棲禽不識挂瓢處寒流曲曲深

○ 奧溪 嘉靖昌化縣志在縣西六里其源出寧國山

界至金紫巖東流五里合黃溪南流過塌水橋入

晚溪

○ 歷溪 嘉靖昌化縣志在縣西十五里其源出百丈

山南流出白牛橋達洗耳灘

○ 籓溪 咸淳臨安志在縣西十五里其源絕深處山

皆壁立水流巨石中湍激可畏舊傳陳霸二仙曾

隱此每垂釣石上今枕臂坐迹皆存溪中有鸕鷀

塞雙眉潭成化杭州府志北接上溪東南與無他

溪會經洗耳灘下為晚溪萬曆府志嘉靖縣志皆云經青山潭黃石灘與

晚溪會 嘉靖昌化縣志巨溪一名籛溪

董溪 成化杭州府志在縣西二十五里其源發自

百丈山向東流三十五里至登春橋以達洗耳灘

無他溪 成化杭州府志在縣西三十五里上接雲

溪東流與巨溪合經洗耳灘而為晚溪

頰口溪 成化杭州府志在縣西五十里其源出自

石門之北南流入雲溪嘉靖縣志云入無他溪

蜃溪 嘉靖昌化縣志在縣西六十里其源出淳安

界北流會雲溪下流入無他溪

後溪 嘉靖昌化縣志在縣西七十里其源出荆洲

東流會高溪同入巨溪

雲溪 成化杭州府志去縣西七十里以其源高而

得名下流合眾水而達于雙溪溪流不半里而有

灘灘名不可枚舉嘉靖昌化縣志其源自昱嶺東

流三十里會官橋渡入無他溪

楊溪 嘉靖昌化縣志在縣西八十里其源出龍塘

山東南流三十里入雲溪

○ 雙溪 成化杭州府志 在縣南一百步溪中有洲水

分南北過縣復合于一湍聲澎湃巖谷響應宋熙

寧六年縣令陸元長臨北流為亭東坡經游其上

題詩記事有雙澗響空之語自後文士留題者多

開禧二年令章伯奮作新亭于上徐觀撰記

○ 下阮溪 成化杭州府志 在縣南一十五里其上流

接雙溪經下阮村南流三十餘里入于柳溪

○ 三溪 在縣南十五里西南眾水會歸里人建閣于

上錢塘周龍騏三溪即事詩平疇踏徧到東臯仄徑如陽滑似膏白筍短篷來野艇青泥煖竈出

新陶已驚拜墓攜春酒更訝迎巫獻社羔故國風情休自憶滿頭白髮不堪搔

○ 伽溪 成化杭州府志 在縣南二十里源出峽川綿

亘四十里嘉靖昌化縣志 東流入于柳溪章樵峽川道中

詩試將生計問農家兒大扶犁女漚麻燒筍鬻葵供午餉山中樂事自無涯

○ 上博溪 成化杭州府志 在縣南二十八里其水合

湍塢塘梁沈四溪之水東北流四十里入于伽溪

○ 覽溪 萬曆杭州府志 去縣南三十里合蕭蒲二源

南流二十里迂迴九曲與上博溪會流達于柳溪

蓋兩山析流故也沙明水淨石蒲叢然游魚可數

而無飛湍激瀨之聲元主簿沈兼善詩清溪九曲路縈迴兩岸佳山逐水開試

問仙源尋勝事權歌還自武夷來

沈溪 嘉靖昌化縣志 在縣南五十里其源自貢嶺

東南流三十里合塘溪梁湍塢三源為上博溪入

於伽溪

蒲溪 成化杭州府志 在縣南六十里其源發自蒲

溪嶺向東流五里至覽溪

柳溪 嘉靖昌化縣志 在縣東南二十五里為邑之

深匯上下三十里俗名其上曰小柳中曰柯相公

潭下曰大柳巨石參錯屹乎中流湍激洶湧澎湃

其聲如雷彷彿呂梁川峽亦奇觀也可泛舸通賈

貨俗曰梭船遇久雨大漲則莫敢行矣明給事中傅佩泛柳

溪詩二首野興忽從春後得清溪四月泛仙槎日

光浮浪明蒼壁山影入流懸白沙行久杯從天上

送狂歌人向鏡中譁遨遊不盡坡公意欲望滄洲

試采花天開石壁真奇勝峻拔層巒變態全鳥篆

尚存千古跡雲章遙接二微纏氣凌草樹無佳色

窟長蛟龍有宿涎我欲結茅高頂上三芝煮石可

成仙國子生戴璪柳溪和傅給事詩赤壁古來留

異跡天形地軸此能全驚濤觸石雲衣濕瀑布懸

崖水帶纏春水瞿塘戒舟楫秋深丙穴有

龍涎蓬瀛一望人千里何日清游會羽仙

平渡溪 嘉靖昌化縣志 在縣西南一里其源出佛

音

子嶺東流過葛村以達雙溪

櫃溪 〔成化杭州府志〕在縣西南三十里其源發自

蕭源向南流二十五里入于伽溪

扯溪 咸淳臨安志作社丁溪萬曆府志嘉靖縣志作杜溪 〔成化杭州府志〕在

縣西南三十里其水自峽山發源向東北流達于

上博溪

橫溪 〔嘉靖昌化縣志〕在縣西南六十里其源出大

明山

合溪 〔成化杭州府志〕在縣雙溪之西數百步溪之

上下皆分流湍激于其中合處橫亘一里許平闊

深靜宋開禧元年令章伯奮作亭于上榜曰合溪

仍作文記之 〔嘉靖昌化縣志〕在縣西北五十里經

龍井寺東流與巨溪會

上溪 〔成化杭州府志〕在縣西北八十里其源發自

寧國縣界向南流綿亘九十里至巨溪 〔嘉靖昌化

縣志〕在縣西北六十里其源自板橋會華光潭出

巨溪

仁里溪 〔嘉靖昌化縣志〕在縣西北一百里其源出

玉橋經倒石塢寧國縣界黃巖坑出高溪而高溪之源出荊洲東流與後溪會

紫溪

太平寰宇記吳興記云邑有文山水東南流爲紫溪輿地志以爲水紫色也又云紫溪中央水有赤色盤石長百餘丈望之如霞名曰赤瀨水成化杭州府志在縣東南柳溪之下康熙昌化縣志在縣東五里源出道場坪左吐珠灣歷下冲經紫口至童婆橋入三溪下流

義澗

嘉靖昌化縣志一名義干干水涯也又俗名義干溪在縣西四十里界乎楊溪無他溪之間自唐以來爲放生池

翠釜潭

嘉靖昌化縣志在縣西三十里百丈山下翠石團團中窪如釜飛泉百尺自巖巔瀉落釜中與蓬仙巖聯屬豈神仙家所謂天廚獻食之處耶

鳥儀潭

成化杭州府志在百丈山下潭水澄清嘉魚異螺所聚古傳曾有赤色靈鳥向水邊整羽儀人欲羅之卽化爲石故其地亦名赤鳥

太公潭

成化杭州府志在百丈山之左古傳泰伯



採藥南來嘗陟此山飲泉而甘因名

華光潭

嘉靖昌化縣志在縣西七十五里華光嶺

下

仁里潭

嘉靖昌化縣志在縣西九十里合二流入

潭旱時二流俱涸而此潭猶溢凡居仁里村者咸

汲于茲

拋兒潭

嘉靖昌化縣志在縣西九十五里元末寇

亂有負小兒入山寇追急棄兒于潭因名

雙眉潭

成化杭州府志去縣西北五十里地名上

溪其上山皆壁立石壁上有雙眉痕人莫知所始  
潭之上下巨石壅流喧豗可畏

羊頭潭

成化杭州府志去縣西七十里地名都亭

源石壁對峙舊名龍門瀑布百尺界于門中下注  
深潭有龍宅焉潭有石形如羊頭兩角嶄然旁有  
五石杯類祭奠所設潭多靈物或陰晦則其聲如  
鐘鼓歲旱以罌缶禱取其水有鱗屬入之必雨

回龍潭

嘉靖昌化縣志在鷲峰寺前

柯相公潭

成化杭州府志在縣東南十五里大溪

曰二柳水險相傳柯相公爲錢氏行者舟溺于此  
遇澄霽則所覆之舟可見遇陰晦或聞水上樂聲  
浴仙潭 成化杭州府志在縣南覽溪何仙姑浴處  
也水今澄澗而香

放生池

嘉靖昌化縣志在縣西治平寺康熙昌化

縣志一在縣北武隆山麓康熙三年邑令盧毓粹  
新鑿

東坡池

嘉靖昌化縣志在縣西城隍廟西北東坡

以俸車至邑時愛其風景築亭鑿池種千葉紅蓮

龍池

嘉靖昌化縣志十有三一在龍池山一在大

明山一在大鵠山一在百丈嶺其在銅坑山之絕  
頂者有三池焉其在嶠源龍井院曰龍湫詳見龍  
井其在千頃山曰龍潭其曰龍塘在縣西龍塘山  
其塘有二一在山巔廣二百餘畝塘上巨木森然  
枝幹多剝脫觀者知爲龍桂故耳非禱雨則鮮至  
其上一距上塘五里廣五十餘畝其水嘗涸歲旱  
人禱于此少頃水泉湧出必雨上塘亦如之

蜃池

嘉靖昌化縣志在蜃巖之東

東坡泉 成化杭州府志在縣南雙亭之西數十步石竅中出甘冷異常東坡始尋溪源得之以淪茗人因鑿石爲泓刻東坡泉三字于石開禧二年邑令章伯奮作亭其左名薦菊蓋取坡詩一盞寒泉薦秋菊之義

龍孔泉 成化杭州府志在金山玉嶺之麓石穴徑二尺餘寒泉自穴中湧起冬夏不竭每巨魚出游必雨居民賴之以爲水利溉田甚廣歲旱亦禱于此

蒙泉 成化杭州府志在覽川極甘冷大旱不涸章樵浚爲井刻銘于石牀

清平泉 嘉靖昌化縣志在縣治堂階下一名平清沼元肅政廉訪使徐琰養齋銘取池水觀政之意

徐琰平清沼銘山下出泉其流湜湜匯于琴室可湘可滌旣止且平亦清且深匪觀爾政實觀爾心

天井泉 咸淳臨安志在縣西五十里地名葉源有馬塢小山巔有石竅名天井深不可測其中若列梯級通人上下有泉涓涓灌注石面凝結石脂圓者名寒水石如冰筋者名鵝管石晝執燭可入光

采奪目或以絲繫石試井聲瑟瑟如鼓盡絲一簣  
石墜未已井東有銅山神入者褻慢卽迷所出舊  
傳此井通朱浪村長潭

瀑布泉

嘉靖昌化縣志有三其一在縣南三十里

玉嶺後石壁峭立百餘丈飛泉自山厓下瀉四時  
不竭其一在大明山唐宣宗微時隱此悟空禪師  
詠瀑布泉詩曰穿山透石不辭勞遠地方知出處  
高宣宗足之曰溪澗豈能留得住終歸大海作波  
濤其氣象蓋可見矣其一曰龍門瀑在縣西三十  
里百丈山俗名白水其源深石壁萬仞飛流直下  
石上有仙人足跡及擣藥臼其一在都亭源

治泉

康熙昌化縣志在縣南門外數武澄泓一線

淪茗甚佳邑令李人龍鐫治泉二字于石上

邑令周頌

孫治泉詩四首山高如雲有石其峩霞標古樹竹  
窺新蘿環流千頃飛雨在阿映天之碧湛爾清波  
倚彼清波澹如臣心厥流有源出雲爲霖透我烟  
簑炎景以澄潺湲成響冷矣聞琴琴心可娛好音  
自隄瑩徹冰壺蕩漾虹霓崖花澹蔭素襟如攜蘊  
隆之麓浴我烝黎彼烝者黎沐浴有年濬流于石  
湛比于天在東爲洛在西爲瀍朝宗江海灌注百  
川徐逢吉治泉記昌故山諸侯之國也重岡峻岫  
四望蒼蒼履可蠟也溪流勝時帥鎮在坐曰溪流  
不逮始泉予曰治泉如何曰其地縣治之南其汜

平崖之罅其質味冷于夏冬則少溫蓋匪今斯今已其物色之則自我侯李公始既過往臨溪下土其脈不似他山彼來此受其泉不似他流上湧下瀑其身天目之右臂源蓋自天目與其出涓涓似梵音水樂其勢噉溪懷烟引霞惜哉桑苧翁不及品此昔謝靈運癖于山水搜奇剔隱靡所不之已獨失一雁宕至宋祥符中人始知有雁宕之奇絕夫此泉故匪今斯今也亦必待公物色之而始著噫山水顯晦其亦有數耶夫古今勝槩以人重以人傳若蘇之堤元之谷萊范二公之泉皆一時文人墨士或書美或寄思非誕也公獨遜謝李字而以治名之何皇哉唐哉公之志自此遠矣請得意爲言公自考爾自劭爾自考何昌罹破殘村落如炙斧斤非所承也公易以梁肉寬賦簡詞省徭謹阨三年中不啻八功德水之沃之也猶鯁鯁焉曰昌創未息與民氣未樂與偶見一泉輒以治論之正如丹書見几楹則銘見杖帶則銘云自劭何昌平矣鄰燧頻驚民情猶沸公若爲示之以安瀾也

者於野親趾如故於邑飲射讀法如故於泮序月校如故且讓水廉泉之鄉又期與諸士共之鳴琴未已輒復騎射作氣練勇桑戶干城必將使虎無可渡之河也而止公若曰自今伊始大文三曾以表衆大武三曾以克敵治乃成皇哉唐哉公之治其自此遠矣予將鐫諸石焉一賀茲泉遇公而顯一賀茲昌遇公而治

石井 成化杭州府志在縣東石井巷內相傳爲五代所置

煉丹井 成化杭州府志在縣北一里武隆山葛洪煉丹之所康熙昌化縣志一在東坡亭後

義井 成化杭州府志在鳳嶺之東一里宋慶元中

令周堪鑿井結亭以濟行客

龍井

成化杭州府志

一名龍湫去縣西北三十里

北嶠源石池闊二丈餘深不可測有龍宅焉上有石渠綿亘半里許如建瓴狀中可容小舟水從渠中流下注于地其聲淙淙地之下復有石渠以洩水若人所造者前有石壇歲旱則禱于上旁有龍井院

湧泉井

康熙昌化縣志

在縣西六十里同山村泉

從沙底汨出盛寒之日煖氣蒸如烟霧夏則冰大

旱不涸崇禎庚辰忽一日水盡腥黑越日復清如故

昌化縣志卷二